

# Aida Modrić, bachelor geografije - Završni magistarski rad

Fakultet/Akademija	PRIRODNO MATEMATIČKI FAKULTET
Tip Rada	Završni magistarski rad
Kandidat, zvanje	Aida Modrić, bachelor geografije
Naziv Teme	Prirodni i antropogeni resursi kao faktor razvoja turizma općine Banovići
Rezime/Abstract	<p>Općina Banovići se nalazi u sjeveroistočnom dijelu Bosne i Hercegovine i administrativno-politički pripada Tuzlanskom kantonu. Površina općine iznosi 183 km<sup>2</sup>, što predstavlja 6,9% od ukupne površine Tuzlanskog kantona. Povoljni geografski položaj i prirodni uslovi kao što su ležišta mrkih ugljeva, umjereno kontinentalna i predplaninska klima, vodeni i šumski resursi i dr. uslovi su ubrzali ekonomski razvoj ove općine i danas je banovićka općina jedno od najznačajnijih rudarsko-industrijskih područja u Bosni i Hercegovini. Međutim, u novije vrijeme prisutan je i trend razvoja tercijarnih djelatnosti, kao što su trgovina, turizam i saobraćaj. Jedan od mogućih pravaca razvoja privrede Banovićkog kraja zasigurno je i turizam. Ovo područje raspolaže turističkim atraktivnostima prirodnog i antropogenog karaktera, a uz izgrađene kapacitete turističke infrastrukture, pruža dobru osnovu za razvoj turizma. Planina Konjuh je najatraktivniji turistički resurs ovog područja, koji svojim šumskim kompleksima, raznovrsnom divljači, konfiguracijom terena, klimom (obilje snježnih padavina tokom zime i veliki broj sati sunčevog sjaja u ljetnjem periodu godine) predstavlja dobru osnovu za razvoj više vrsta turizma: zimskog sportskog, ljetnjeg rekreativnog turizma, ruralnog ekoturizma i ruralnog agroturizma, planinarskog, lovno-ribolovnog, speleološkog, ekskurzionog, a zahvaljujući relativno maloj udaljenosti od velikih emitivnih centara, i izletničkog i vikend turizma. Od ostalih prirodnih turističkih resursa u ovom kraju izdvajamo: pećine, jame i ponore na Konjuhu, planinske potoke i rijeke kao što su Oskova, Turija, Željova i dr., te raznovrstan biljni i životinjski svijet koji pružaju mogućnost za razvoj rekreativnog, izletničkog i ribolovnog turizma. Kulturno-historijsko naslijeđe (nekropole stećaka, Gradina u Tulovićima, muzej rudarstva i sl.), etnosocijalni i ambijentalni motivi (vožnja turističkim vozom „Ciro“), manifestacije i Banovići kao centar urbanog turizma predstavljaju sa druge strane komplementarne sadržaje u turističkoj ponudi banovićkog kraja. I saobraćajno-geografski položaj postaje značajan element turističke valorizacije banovićkog kraja. Tako teritorijom općine prolazi regionalna saobraćajnica Živinice-Banovići-Zavidovići, koja povezuje dva velika bosanskohercegovačka industrijska centra Tuzlu i Zenicu, odnosno Tuzlanski i Zeničko-dobojski kanton.</p>
Datum	09.10.2018
Predsjednik	Dr. sc. Alija Suljić, vanredni profesor, Uža naučna oblast "Antropogeografija" Prirodno-matematički fakultet Univerziteta u Tuzli
Mentor	Dr. sc. Dževad Mešanović, docent, Uža naučna oblast "Antropogeografija" Prirodno-matematički fakultet Univerziteta u Tuzli
Član komisije	Dr. sc. Fadila Kudumović-Dostović, vanredni profesor, Uža naučna oblast "Regionalna geografija" Prirodno-matematički fakultet Univerziteta u Tuzli
Član komisije	-
Član komisije	-
Zamjenski član	Dr.sc. Alma Kadušić, docent za užu naučnu oblast „Antropogeografija“ Prirodno-matematičkog fakulteta Univerziteta u Tuzli
Dodatni detalji i lokacija	dana 09.10.2018. godine u Sali broj: 211 Prirodno-matematičkog fakulteta Univerziteta u Tuzli, sa početkom u 14 sati
Završne Odredbe	Pristup javnosti je slobodan. Rad se može pogledati u Sekretarijatu fakulteta radnim danom od 08 do 14 sati.